



Department of Extended Learning Manyèl pou Paran/Responsab

FILOZOFI APRANTISAJ PWOLONJE

Objektif *Department of Extended Learning* lan se fasilite opòtinite pou bon jan pwogram gadri apre lekòl ki satisfè bezwen fondamantal komen pou tout elèv pandan lè apre lekòl yo. Li enpòtan pou elèv yo genyen aksè nan meyè opòtinite posib pou devlope nan sante, byennèt epi vin yon adilt responsab.

ENSKRIPSYON

Timoun k ap patisipe nan kan yo dwe genyen laj elèv lekòl elemantè, (enkli timoun k ap antre nan jadendanfan ak elèv k ap fini 5^{yèm} ane) pou yo kapab vini nan kandete. Tout paran yo dwe soumèt yon demann kontra kandete nan *Eleyo*. Depi w fin kreye demann kontra a, ou pral resevwa yon imèl pou fè w konnen demann kontra w la ap tann apwobasyon estaf yo epi yo pral revize l nan lòd yo te resevwa l. Anplis yon kontra yo apwouve nan *Eleyo*, genyen yon frè enskripsyon pou peye swa sou entènèt nan *Eleyo* oswa an pèsòn pou w kapab kenbe yon plas nan pwogram nan. Frè enskripsyon an pa ranbousab apre 20 me 2024. Yo PA KAPAB enskri Patisipan yo nan pwogram kandete a si yo dwe Distri a yon balans.

Pou enskripsyon timoun ki pa nan Distri a ak sa ki pa nan eta a, yo egzije dokiman sa yo pou enskripsyon: batistè orijinal, prèv vaksinasyon ak prèv egzamen medikal.

Y ap enskri aplikan yo sou baz premye ki vini se premye y ap sèvi.

ORÈ KANDETE A

Pou dat espesifik ak lè fonksyonman chak jou, kontakte direktè/tris sit kandete a. Enfòmasyon sa a pral vizib tou lè w ap ranpli demann kontra kan ete a nan *Eleyo*.

RÈGLEMAN SOU PEMAN AK FRÈ POU VIN CHÈCHE ANRETA

Yo dwe peye frè pou sesyon yo de (2) semèn avan dat sesyon an kòmanse.

Pifò sit yo aksepte peman sou entènèt sèlman. Pou sit sa yo ki aksepte peman an pèsòn, yo dwe fè peman an pèsòn anvan 29/5/2024. Yo pral aksepte peman sou entènèt pandan tout sezon ete a.

Yo pap fè okenn ajisteman pou absans yo. Pou nenpòt peman kach oswa "money order", yo dwe ba w yon resi imedyatman.

MONTAN/FRÈ POU PEMAN AN RETA

Pou chak minit yon paran/responsab anreta pou vin chèche pitit li a (yo), y ap chaje l yon frè \$1.00.

Vin chèche anreta plizyè fwa kapab lakoz yo mete patisipan an deyò nan pwogram kandete a. W ap jwenn yon lis pi ba a ki se yon egzanz frè yo chaje pou reta ki se \$1.00 pa minit: 6:00p.m-6:15 p.m., elèv yo vin chèche a 6:15 ap genyen pou peye yon frè \$15 dola pou reta.

PWOSEDI POU LÈ ELÈV RIVE /LAGE

Paran/responsab/moun yo otorize yo dwe mennen pitit yo nan zòn ki deziye nan lekòl la pou tcheke, epi itilize app *Eleyo* pou prezans/absans pou siyen yon patisipan nan itilize non legal konplè. Tout timoun k ap patisipe nan kan an dwe rive nan lè direktè/tris sit kandete a bay la. Tanpri, enfòmè responsab pwogram kandete a pou nenpòt absans.

Se sèlman moun ki otorize jan sa endike nan *Eleyo* a ki kapab vin cheche timoun nan. Pou rezon sekirite, apèl telefonik paran/responsab yo pa adekwat pou kite elèv la ale. Moun ki otorize yo dwe genyen 18 an oswa plis epi yo dwe genyen yon kat idantifikasyon ak foto pou yo montre dirijan kandete a chak jou lè y ap remèt li elèv la. Yon paran/responsab dwe ranpli fòm Pèmision pou Minè vin cheche elèv la (*Under Age Pick Up Permission Slip*- (PBSD 2502) si y ap voye yon minè ki gen mwens pase dizwit an vin cheche pitit yo. Minè sa yo dwe montre yon pyès idantifikasyon ak foto ki valid pou yo kapab vin cheche elèv la.

Amwenske genyen yon òdonans espesifik Eta Florid (nenpòt lòt eta pa valab) ki nan dosye pwogram kandete a, yo kapab remèt yon elèv bay paran ki pa responsab legal la si li nan fòm enskripsyon elèv la. Paran/responsab yo responsab pou kenbe enfòmasyon ki konsène moun ki otorize ak lòd responsab legal yo ajou. Pwoblèm responsablite legal yo fèt pou rezoud andeyò gadri lekòl la.

Konpòtman inapwopriye moun ki vin cheche yon elèv, enkli menas, langaj ostil, ap lakoz paran/responsab yo

genyen pou yo fè lòt aranjman pou vin cheche elèv la, oswa y ap sispann sèvis gadri apre lekòl yo pou pitit yo a.

Pou rezon sekirite, yo p ap resevwa ni remèt timoun ki nan kan yo bay okenn moun nan yon lokal pwomnad san otorizasyon alavans Direktè/tris lekòl la. Si yon paran/responsab mande pou mennen elèv la nan lokal pwomnad la oswa pou retounen elèv la soti nan yon pwomnad, se nan diskresyon direktè/tris lekòl la, baze sou faktè sekirite ak entèripsyon epi lokal pwomnad la (yo), si wi ou non pou bay pèmision ak demann paran/responsab la. Depi yo akòde pèmision an, se pou paran/responsab la siyen epi aksepte kondisyon ki nan fòm konsantman ak otorizasyon Distri Lekòl la jan sa endike nan Konsantman ak Otorizasyon pou Pwomnad Elèv Pou Lòt mwayen Transpò ki pa sa Lekòl Bay (PBSD 2360). Se menm moun ki te siyen Otorizasyon pou Pwomnad orijinal la (PBSD 0755) ki dwe siyen Fòm sa a.

REPA AK KOLASYON (TI GOUTE)

Y ap bay elèv k ap patisipe nan kan yo de (2) kolasyon (ti goute) nitritif chak jou. Tanpri, gade tablo Enfòmasyon pou Paran an pou yon meni kolasyon (ti goute) konplè, pou diskite sou nenpòt pwoblèm alèji avèk direktè/tris kan apre lekòl la. Yo p ap ranbouse lajan repa oswa kolasyon (ti goute).

KONDISYON POU ABIMAN

Elèv k ap patisipe nan kan yo dwe mete mayo kan an pandan tout pwomnad yo. Sa enkli mete mayo sou yon kostimdeben yon pyès nan dlo a pandan tout aktivite yo nan dlo yo. Soulye fèmèn devan obligatwa pou sekirite tout elèv yo ki nan kan an.

GID POU KONPÒTMAN NAN KANDETE

Elèv yo ap patisipe nan preparasyon règleman pou gwoup. Yo ankouraje elèv k ap patisipe nan kan yo pou fè chwa ki responsab epi y ap rekonpanse yo pou konpòtman apwopriye. Menmjan an tou, elèv k ap patisipe nan kan yo pral resevwa konsekans lojik lè rezilta desizyon yo pa apwopriye. Espwa nou se fòmè timoun ki pran responsablite pou aksyon yo epi ki genyen pouvwa pou chwazi meyè konpòtman an. Ofans ki pi grav yo ap genyen kòm konsekans yon Rapò sou Konpòtman nan Pwogram Apre Lekòl. (Afterschool Behavior Report). Resevwa Twa Rapò sou Konpòtman nan Pwogram Apre Lekòl pandan kandete a kapab lakoz yo ranvwaye yon elèv nan pwogram nan. Si pitit ou a enplike nan nenpòt konfwontasyon fizik, epi yo jije li danjere pou limenm oswa lòt moun, y ap mete elèv la deyò imedyatman nan pwogram nan.

PWOSEDI POU SWEN SANTE

Yo ta dwe avèti paran oswa responsab yo imedyatman si elèv la malad oswa blese, espesyalman blesi nan tèt. Si yo pa kapab jwenn paran oswa moun yo deziye nan ka ta genyen yon ijans, maladi grav, oswa blesi, estaf kan apre lekòl la pral kontakte moun yo deziye nan fòm enskripsyon elèv k ap patisipe nan kan an. Y ap bezwen vin chèche timoun nan imedyatman. Si yo pa kapab jwenn moun sa ki deziye yo oswa yo pa rive lekòl nan moman yo dwe transpòte elèv nan anbilans ale lopital, yon manm estaf kan apre lekòl la dwe akonpaye elèv kap patisipe nan kan an pou ale lopital.

Estaf pwogram kan yo pa kapab jere okenn tip medikaman amwenske genyen yon fòm otorizasyon medikal yon paran ak doktè a siyen ki nan dosye biwo pwogram kandete a. Yo pa otorize elèv k ap patisipe nan kan yo genyen okenn medikaman sou yo nan okenn moman eksepte vaporizatè pou opresyon oswa *Epi-Pen* avèk otorizasyon doktè oswa medikaman pou soulaje tèt fè mal pandan yo nan lekòl la oswa nan yon evènman oswa aktivite lekòl la patwone san yon nòt oswa preskripsyon doktè. *Food and Drug Administration* (FDA) Etazini dwe kontwole izaj medikaman san preskripsyon an pou trete tèt fè mal.

Nenpòt timoun, estaf gadri oswa lòt moun nan pwogram kan apre lekòl la yo sispèk ki ta gripe oswa genyen nenpòt maladi kontajyez, y ap retire l nan pwogram nan oswa izole l jiskaske yo vin chèche l. Moun sa a pa kapab retounen san yon otorizasyon medikal, oswa jiskaske siy ak sentòm maladi a pa prezan ankò.

Nimewo telefòn kontak pou tout moun ki otorize pou vin chèche timoun k ap patisipe nan kan yo dwe ajou nan dosye yo. Yon moun ki otorize ta dwe disponib pou vin cheche elèv la chak jou li vin nan kan.

ATIK KI OBLIGATWA

Yo kapab bezwen atik sa yo pou yon timoun k ap patisipe nan kan an, yon fason regilye chak jou: mayo kan, sakodo, tèmos, rad derechanj, chapo, tenis, krèm solèy, kostimdeben (yon sèl pyès), sèvyèt ak soulye kawotchou pou dlo. Tanpri, sonje, estaf kandete a pa kapab responsab pou objè pèsònèl tankou lajan, aparèy elektwonik, telefòn selilè, elatr.

PWOMNAD AK AKTIVITE

Jan sa aplikab, refere w a orè kandete a pou tout enfòmasyon ak aktivite sou pwomnad. Tanpri, sonje tout enfòmasyon sou orè kandete a kapab chanje. Y ap fè Paran/responsab yo konnen chak jou apeprè a kilè elèv yo ap retounen soti nan pwomnad yo, si sa aplikab. Direktè/tris kan apre lekòl la oswa moun li deziye pral genyen yon telefòn selilè toutan sou li nan tout pwomnad yo. Direktè/tris sit kandete a pral bay enfòmasyon sou telefòn selilè yo.

RÈGLEMEN POU RANBOUSMAN/RETRÈ

Si w vle retire pitit ou nan kandete a, ou oblije fè direktè/tris sit kandete a konnen alekri, omwen de (2) semèn anvan dat kòmansman sesyon an.

Yo pral bay ranbousman pou pwogram kandete a pou sèlman de (2) semèn anvan dat kòmansman sesyon an, yo pap remèt okenn lajan apre tan sa a.

Yo PA KAPAB transfere frè kandete yo nan yon lòt kandete.

Pa gen ranbousman/kredi pou vakans, maladi, kite pwogram nan oswa ranvwa pou move konpòtman.

MATERYÈL YO ENTÈDI

Pou elèv yo kapab wè materyèl G ak PG pandan kandete a, yon paran/responsab dwe ranpli PBS 1994 (Pèmasyon pou Wè Materyèl ki Entèdi yo) epi li dwe soumèt li bay direktè/tris sit kandete a.

Pou nenpòt kesyon, tanpri kontakte direktè/tris sit pwogram kandete a.